

EROSKETA BONOAK ARAUTZEKO OINARRIAK ETA 2024 DEIALDIA
Irurako herriko merkataritza, ostalaritza eta zerbitzuetako establezimenduetan
erosteko bonuak arautzeko oinarri eta deialdia.

1.-Testuingurua

Irurako Udalak herriko merkataritza zaindu eta bultzatzeko duen konpromisoa gauzatzeko ekimena jarri du martxan.

Ezinbestekoa da inoiz baino gehiago, Irurako Udalak gizartearen interes orokorraren ikuspuntutik herriko dendetan erosketa sustatzea, herriko sektore hauetako profesionalen eskutik eta herritarrekin batera, guzti honek bizia ematen bait dio herriari.

2014an hasi zen Irurako Udala, "Egin Irura, kontsumitu herrian" kanpañarekin, Irurararrek herrian kontsumitzera bultzatzeko asmoarekin.

Halaber, 2018-2019an Irurako Udalak herri mailako sustapen kanpaina jarri zuen abian berriro ere, herritarren inplikazioa sustatuz eta tokiko establezimenduetan erosteko zuzendutako bonuak diruz lagunduz.

Oraingoan, erosketa bonoen kanpaina berri bat jarri nahi da abian, tokiko merkataritza, ostalaritza eta zerbitzuetako establezimendu guztientzat.

2.- Xedea.

Laguntza hauen xedea da erosketa bonoen kanpaina abian jartzea Iruran produktu eta zerbitzuak eskaintzen dituzten tokiko merkataritza, ostalaritza eta zerbitzuetako establezimenduei zuzenduta.

3.-Ekimenaren deskribapena eta udalaren laguntza

Herriko establezimenduetan erabiltzeko bonu txartelak erosiz, tokiko kontsumoa sustatuko dute.

Irurako Udalak diruz lagunduko duen erosketa bonoen aurrekontua, gehienez 50 €/pertsonakoa izango da. Horrela, Udalak bonuak eskuratzeko emandako diru-laguntza %20koa izanik.

Nahi duenak udaleko harrera bulegoan erregistratu beharko dira erosketa bonuak eskuratu ahal izateko.

Txartel bono hauek, diruz lagundu ahal izateko Udalak ezarritako onuradunak izateko baldintzak betetzen dituzten establezimenduetan erabili beharko dira.

4.- Onuradunak

1. Diru laguntza hauen araubidea Irurako tokiko merkataritza, ostalaritza eta zerbitzu txikietako establezimenduetako pertsona fisiko edo juridikoei aplikatuko zaie.

5.-Parte-hartzeko baldintzak:

Irurako tokiko establezimenduen aldetik

1. Irurako tokiko merkataritza, ostalaritza eta zerbitzu txikietako establezimendu bat zabalik izatea Irurako herrigune eta auzoetako lokal batean.

2. Ekonomia-jardueren gaineko zergan alta emanda egotea.
3. Foru Ogasunarekiko eta Gizarte Segurantzaren Diruzaintza Nagusiarekiko betebeharrak egunean izatea, bai eta diru-laguntzak itzultzeko betebeharrak ere.
4. Irurako udalarekiko betebeharrak egunean izatea.

Erosleen aldetik, Udalak diruz lagundutako onuradunak, bizilekua Iruran dutenak izango dira.

6.- Aurrekontua:

Deialdi honi aurre egiteko zenbatekoa 5.000 € da eta 1 0000.471.431.00.00 2024 partidatik finantzatuko da.

7.-Establezimenduak ekimenara atxikitzea:

Establezimenduek ekimen honetara atxikitzeko aitorpena aurkeztu beharko dute.

Irurako Udalak transferentzia bitartez, bonoen balioaren %100a ordainduko die establezimenduei, eskaera egitearekin batera eman duten kontu korronte zenbakian.

8.- Bonuak erostea.

Bonoen salerosketa fisikoki eta banku txartel bidez egingo da eta udaletxeko leihatilara gerturatu beharko da goizeko 9:00tatik 14:00tara.

Bono hauek 2025eko otsailaren 28 arteko iraungitze data izango dute.

9.-Onuradun izango diren establezimenduek aurkeztu beharrekoa:

1. Eskaera orria eta Erantzukizunpeko adierazpena, oinarriotan ezarritako eskakizunak betetzen direla bermatuz.(1. Eta 2. Eranskinak)
2. Atxiki banku datuak edo banku agiri baliokidea.(3. Eranskina)
3. Pertsona fisikoa izanez gero, eskatzailearen NANA.
4. Pertsona juridikoa izanez gero, eskatzailearen IFKaren kopia, eta, hala egokituz gero, ahaldunaren NANA.

Onuradunak erabat hartzen du bere gain egindako erantzukizunpeko adierazpen guztien egiazkotasuna, baita aurkeztutako gainerako dokumentazioarena ere.

Eskaerak, oinarri hauek Gipuzkoako Aldizkari Ofizialean argitaratu eta lau eguneko epean aurkeztu beharko dira.

Eskaerak erregistro elektronikotik edo Udalean bertan aurrez aurre egin beharko dira.

10.-Onuradun izango diren establezimenduen onarpena

Eskaerak aurkeztu eta establezimendu onuradunek betekizun guztiak betetzen dituztela egiaztatu ondoren onartutako establezimenduen zerrenda argitaratuko da, www.irura.eus webgunean.

Alkatetzari dagokio prozedura ebazteko eskumena, eta haren ebazpenek amaiera emango diote administrazio bideari, eta berraztertze errekurtsoa jarri ahal izango da 30 eguneko epean, jakinarazpena egiten denetik zenbatzen hasita.

11.-Onuradunen betebeharrak

Diru-laguntzen araudi orokorrean aurreikusitako betebeharrak orokorreaz gain, honako hauek ere bete beharko ditu onuradunak:

1. Laguntza diruz lagundutako kontzeptuetarako erabiltzea.
2. Eskatutako dokumentazioa ezarritako forman eta denboran aurkeztea.
3. Jasotako laguntzen aplikazioa justifikatzen duten dokumentuak gordetzea, egiaztapen eta/edo ikuskapen jarduketak egin ahal izateko, betiere aplikatzekoa den araudian ezarritako epean.
4. Proiektuaosatzen duten jardueren gastu eta diru sarrera guztiak kontabilizatzea.
5. Egunean izatea zerga betebeharrak eta Gizarte Segurantzarekikoak.
6. Helburu bererako beste dirulaguntza diru sarrera edo baliabide batzuk jasoz gero, Irurako udalari jakinaraztea.
7. Irurako Udalari laguntzea, hala badagokio, egin ditzakeen finantza kontroleko eta egiaztapeneko jarduketetan, eta haren esku jartzea eskatzen zaion informazio eta dokumentazio guztia.

12.-Erosketa bonoen justifikazioa

1. Justifikazio bakarrean bildu beharko dira laguntzaren xede diren gastu guztiak, bono guztiak agortzen direnean edo kanpaina bukatu eta hilabeteko epean, 2025eko martxoaren 31ean.
2. Saldutako erosketa bonoen faktura zerrendaren ziurtagiria aurkeztu beharko du, IV. Eranskina, ondorengo informazioarekin :
 - a) Erosketa bonuaren kodea
 - b) Bonuaren zenbatekoa.
 - c) Luzatutako faktura zenbakia, zenbatekoa eta egite data.
3. Zerrendatutako fakturak edo tiketak establezimenduan gordeko dira, Irurako Udalak gastu frogagiriak aurkeztu ditzala eska bai dakioke.

Laguntzaren justifikazio ekonomikoa epe barruan aurkeztu ezean, ezetsi egingo da, eta enpresa beharturik egongo da laguntza bueltatzera.

Behar bezala justifikaturiko gastuen batura txikiagoa balitz emandako eta ordaindutako zenbatekoa baino, Irurako Udalak jakinaren gainean jarriko du onuraduna eta eskatuko dio itzul dezala justifikatu gabeko laguntzaren parte.
4. Eskatutako baldintzak beteko ez balira, edo behar bezala arrazoitutako beste edozein zioreratik, Udalak diru-laguntza emakida deusezta dezake eta emandako diru-laguntza bueltatzea eska dakioke interesatuari.

13.- Araudi osagarria

Deialdi honek ezartzen ez duenari dagokionez, aintzat hartuko da Irurako Udalaren dirulaguntzak arautzen dituen Ordenantzak ezartzen duena eta Herri Administrazioetako dirulaguntzak arautzen dituen 38/2003 Legearen xedapenak.”